

Wendisch. allg.

00015

Schönbach, aus cgm.54, (ZfdA 24, S.69)

V (96^b) Der heilig christ selb sazz unter
der chirchtür mein heyligew fraw santi maria
gieng selb da für Sy sprach trawt sun mein
vil lieber herre. wie traurst du nu so ser.
durch not so müzz ich trauren vil genædige
fraw. mir swirt mein rugk mir swirt mein ripp.
mir swirt allez daz an mir ist. sprach gnædig
der vil heilig christ. Do sprach sich gnædig
mein heylige fraw sant Marey dez wirt vil güt
rat seit du mirs gesagt hast. sy hub auf ir
heylig hend und zwang im sein ein end. sy
zwang im sein ein end mit fünf und fümftzig
engeln. sy zwang im sein ein end mit sechs und
sechtzig engeln. nu hab ze samen als du dez
males waerd. da du ain næchtig waerd. sonn
schein monn schein. wie ez dir geschehen sey. so
püezz dir sein genædig mein heyligi fraw sant
Marey und der heylig wor man der den tod an dem
heyligen chræutz nam. mit dem müest du heint
gesegent sein. des helf mir der war træchtein.
und alle die gut. die Got ye geheyligot in gotz
namen. amen.